

*Di acuerdo cu  
palabracionnan haci*

## **Awe Prome Minister Mike Eman lo reuni cu Minister Otmar Oduber**

*Pero no na  
Bestuurskantoor*



**DURANTE** henter fin di siman, nos por a compronde tabatin basta consulta di parti di Prome Minister Mike Eman y di otro banda Minister Otmar Oduber, pa evalua con lo por sali for di e impasse cu a surgi entre Minister Otmar Oduber y cu Gabinete Eman II.

Durante recepcion di Gobernador, esaki tambe tabata topico di combersacion, unda e unico miembro di Consejo di Minister, cu no tabata presente tabata Otmar Oduber.

Di acuerdo cu no informacion, durante dia di awe, Prome Minister Mike Eman lo reuni cu Minister Otmar Oduber, pero cu e encuentro aki lo no tuma lugar na Bestuurskantoor, pero na un caminda priva, cu no ta conoci pa nos.

E diferencianan di opinion pa loke ta maneho, ta grandi, pero no imposibel pa soluciona, contal cada un di e Ministernan, incluso Otmar Oduber, basha awa den biña y di berdad demostra respet pa otro.

Pasobra si awe Minister Otmar Oduber ta papia di falta di respet, e tambe tin culpa den esaki. Loke tur hende ta di acuerdo cune, y manera Melvin Tromp, di fraccion di AVP mes a admiti, cu no por t'asina cu den un Ministerio tin coordinadornan menciona, y unda hasta a referi na A.G. y H.M., kendenan a haya ta bon pa lastra, falta

respet pa Minister Otmar Oduber, cu nan no por keda forma parti di ningun Ministerio.

Si nan keda retira, manera e.o. Melvin Tromp a demanda, lo por bisa cu tin un solucion na caminda. Lo tin caminda pa sigui papia y wak con por haya otro, pasobra tur esaki ta na bienestar di Gobierno, cu ta di signature di AVP.

Si no logra nada, lo nifica, cu manera su carta entrega na Gobernador ta bisa, cu entrante 1 di maart, Minister Otmar Oduber a retira for di Gabinete Mike Eman II.

Un politico, di dos vote-gether di partido AVP, cu Mike Eman y otro miembronan di AVP no kier mira pa bay.

Pero nan como hende grandi lo discuti nan diferencia awe, pa haya otro tog na caminda. Cada uno a dicidi caba,, cu

nan lo a tuma e posicion di negocia silenciosamente. Ora cu tin of

no, lo bin bek den un conferencia di prensa.